

Skatterådimit najoqutassiaq.

**Pineqartoq: Akilerartussaataitaanerup aallartinnerani kipineranilu erniat il.il. piffissanut attuumassuteqarfiinut agguataarneqartarnissaat.**

Inatsisartut inatsisaatigut nr. 21, 30. oktober 1992-imeersukku § 1, imm. 1-ikkut aningaasarsianit akileraarutit pillugit Inatsisartut inatsisaanni nr. 5, 19. maj 1979-imeersumi § 13-imi imm. 4-mik ilanngussaqaarnikkut akilerartussaataitaanerup aallartinnerani imaluunniit toqumik pissuteqaanngitsumik akilerartussaataitaanerup kipinerani erniatigut isertitat ernianullu aningaasartuutit aningaasarsiat akileraruteqaataasussat naatsorsornerini qanoq ilanngunneqartarnissaat ilangaatigineqartarnissaalluunniit pillugit maleruagassat allanngortinneqarput.

**Allannguut atortuulerpoq 14. oktober 1992 aallarnerfigalugu.**

Maleruagassat nutaat naapertorlugit ernianut aningaasartuutit il.il. Aamma erniatigut isertitat agguataarneqartassapput piffissami (piffissami ernialiiffiusumi) akilerartussaataitaanerup aallartiffiani imaluunniit kipiffiani.

Erniatigut isertitat ernianullu aningaasartuutit piffissamut attuumassuteqarfiinut agguataari-sarnissamik maleruagassat nutaat atuupput, apeqqutaatinnagu erniat kingumoortumik imaluunniit siumoortumik akiligassanngortuunersut.

Erniat, piffissamut (piffissamut ernialiiffiusumut) akilerartussaataitaanerup aallartiffianut kipiffianulluunniit attuumassuteqaanngitsut akiligassanngorfii malillugit suliarineqartarnerat atuutiinnarpoq.

Maleruagassat siusinnerusukku atuuttut assigalugit ingerlaavartumik akilersuutit allat ilanngaatigineqarsinnaasut, tamatumani ilaallutik attartornermik isumaqatigiissut naapertorlugu akiliutigitinneqartartut erniatulli pineqassapput, takuuk akilerartarnermut inatsimmi § 17, imm. 1, nr. 3.

Akilerartussaataitaaneq ullormi 14.oktober 1992-imi kigusinnerusumilluunniit kipippat erniat piffisanut attuumassuteqarfiinut agguataarneqassapput, tassa erniat ulloq akilerartussaataitaanerup kipiffia sioqqullugu akiligassanngorsimasut aningaasarsiat akileraruteqaataasussat naatsorsornerini ilanngunneqassallutik imaluunniit ilanngaatigineqassallutik. Akilerartussaataitaaneq ullormi 14. oktober 1992-imi kingusinnerusukkulluunniit aallartippat erniat piffissap akilerartussaataitaanerup aallartiffianiit akiligassanngortut siulliit aningaasarsiat akileraruteqaataasussat naatsorsornerini ilanngunneqassapput imaluunniit ilanngaatigineqassapput. Tamatuma kingorna akiligassanngorfii naapertorlugit akilerarusiisarneq/ilanngaasiisarneq nalinginnaasoq atuutilissaaq.

Taamaalillutik erniatigut isertitat ernianullu aningaasartuutit piffissami akilerartussaataaffiup avataaniittumi ernialiunneqartut/akiligassanngortut akileraruserneqarsinnaalerput ilanngaatigineqarsinnaalerlutillu.

Piffissaq ernialiiffiusoq ima sivisutigippat allaat erniat ukiunut aningaasarsiorfiusunut arlallinnut attuumassuteqarlutik, taava erniat ukiuni aningaasarsiorfiusuni tamavinni piffissanut attuumassuteqarfiinut agguataarneqassapput.

Ernianut aningaasartuutit il.il. Siumoortumik akiligassanngortartut akilerartarnermut inatsimmi § 13, imm. 3 naapertorlugu piffissanut attuumassuteqarfiinut agguataarneqartarnerat atuutiinnarpoq.

Kalaallit Nunaanniit nuunnermuit atatillugu piffissaq ernialiiffiusoq ukiunut aningaasarsiorfiusunut marlunnut amerlanerusunulluunniit attuumassuteqarpat, ukiumi aningaasarsiorfiusumi imaluunniit ukioq Kalaallit Nunaanniit nuuffik sioqqullugu ukiunut aningaasarsiorfiusunut aningaasarsianik angissusiliisimanerit suliareqqinneqarnissaat pisariaqalersinnaavoq.

Kalaallit Nunaannut nuunnermut atatillugu erniat marloriaammik akileraaruserneqarpata akileraartarnermut inatsimmi § 34 naapertorlugu akileraarutissat appartinneqarsinnaapput, marloriaammik akileraanginnissaq pillugu nuna qimataq isumaqatigiissuteqarfigineqarsimangippat.

Kinguliine takutinneqarput akileraartussaataitaanerup aallartinnerani kipineranilu erniatigut isertitat ernianullu aningaasartuutit piffissanut attuumassuteqarfiinut agguataarneqarnerinut assersuutit.

### **1. Akileraartussaataitaanerup aallartinnera:**

#### **Assersuut 1.**

Akileraartussaataitaanerup aallartinnerani erniatigut isertitat naatsorsorneqarneri.

Akileraartussaataitaaneq aallartippoq **1/7 1993**. Erniatigut isertitat ukiumoortut 6.000 koruuniupput. Ulloq ernialiiffiusoq tassaavoq 31/3. Kingumoortumik ernaliussaapput.

1993-imi piffissami akileraartussatitaaffimmi erniatigut isertitat ernialiunneqartut .....0

Piffissami akileraartussatitaaffimmi erniatigut isertitatut

ernialiunneqarsimangitsut:  $6.000/12 \times 6$  .....3.000

Erniatigut isertitat 1993-imi akileraarusigassat .....3.000

1994-imi erniatigut isertitat ernialiunneqartut katillugit .....6.000

Taakkunannga 1993-imut attuumassuteqarput:  $6.000/12 \times 9$  .....4.500

Erniatigut isertitat 1994-imi akileraarusigassat ..... 1.500

#### **Assersuut 2.**

Akileraartussaataitaanerup aallartinnerani erniatigut isertitat naatsorsorneqarneri.

Akileraartussaataitaaneq aallartippoq **1/5 1993**. Erniatigut isertitat ukiup affaanoortut 19.000 koruuniupput. Ullut ernialiiffiusartut  $\frac{1}{2}$  aamma  $\frac{1}{8}$ . Siumoortumik ernaliussaapput.

Erniat 1993-imi ernialiunneqartut ..... 38.000

Taakkunannga  $\frac{1}{2} - \frac{30}{4}$  1993-imut attuumassuteqarput:  $19.000/6 \times 3$ ..... 9.500

Erniatigut isertitat 1993-imi akileraarusigassat..... 28.500

#### **Assersuut 3.**

Akileraartussaataitaanerup aallartinnerani ernianut aningaasartuutit naatsorsorneqarneri.

Akileraartussaataitaaneq aallartippoq **1/6 1993**. Qaammatit pingasukkaarlugit ernialiisoqartar-poq.

Ullut ernialiiffiusut 31/3, 30/6, 30/9 aamma 31/12. Kingumoortumik ernialiunneqarsi-mapput 2.189 koruunit, 2.010 koruunit, 1.987 koruunit kiisalu 1.904 koruunit.

1993-imi piffissami akileraartussatitaaffimmi ernianut aningaasartuutit

akiligassanngortut ..... 5.091

Taakkunanga 1/4 - 31/5 1993-imut attuumassuteqarput: 2.010/3 x 2 ..... 1.340

Ernianut aningaasartuutit 1993-imi ilanngaattissat ..... 4.561

#### **Ernianut aningaasartuutit, siumoortumik akiligassanngortut:**

Ernianut siumoortumik akiligassanngortunut tunngatillugu § 13, imm. 4 allannguuteqarti-tsinngilaq, tassami § 13, imm. 3-mi allassimammat erniat siumoortumik akiligassanngortut ukiuni aningaasarsiorfinni attuumassuteqarfimminni ilanngaatigineqartassasut, takuuk § 12, imm. 1.

#### **II Toqumik pissuteqanngitsumik akileraartussaataitaanerup kipinera:**

##### **Assersuut 4.**

Akileraartussaataitaanerup kipinerani erniatigut isertitat naatsorsorneqarneri.

Akileraartussaataitaaneq kipivoq **31/8 1993**. Erniatigut isertitat ukiumoortut 9.750 koruuniup-put. Ulloq ernialiiffiusoq tassaavoq 31/12. Kingumoortumik ernialiusaapput.

1993-imi piffissami akileraartussaataitaaffimmi ernialiunneqartut .....0

Erniatigut isertitat 1993-imi piffissamut akileraartussaataitaaffimmut

attuumassuteqarput: 9.750/12 x 8 ..... 6.500

Erniatigut isertitat 1993-imi akileraarusigassat ..... 6.500

##### **Assersuut 5.**

Akileraartussaataitaanerup kipinerani erniatigut isertitat naatsorsorneqarneri.

Akileraartussaataitaaneq kipivoq **31/7 1993**. Erniatigut isertitat ukiup affaanoortut 11.300 koruuniupput. Ullut ernialiiffiusut 1/1 aamma 1/7. Siumoortumik ernialiusaapput.

1993-imi piffissami akileraartussaataitaaffimmi ernialiunneqartut .....22.600

Taakkunanga 1/8 - 31/12 1993-imut attuumassuteqarput: 11.300/6 x 5 ..... 9.417

Erniatigut isertitat 1993-imi akileraarusigassat ..... 13.183

##### **Assersuut 6.**

Akileraartussaataitaanerup kipinerani ernianut aningaasartuutit naatsorsorneqarneri.

Akileraartussatitaaneq kipivoq **3/11 1993**. Ernianut aningaasartuutit qaammatit pingasukkaar-put. Ullut ernialiiffiusut tassaapput 31/3, 30/6, 30/9 aamma 31/12. Kingumoortumik erniali-

unneqartut tassaapput 2.100 koruunit, 2.000 koruunit, 1.980 koruunit kiisalu 1.900 koruunit.

Ernianut aningaasartuutit 1993-imi akiligassanngortut ..... 7.980

Ernianut aningaasartuutit 1993-imi piffissamut akileraartussaataaffiusumut

attuumassutillit: 31/3, 30/6 aamma 30/9 akiligassanngortut

tamakkiisumik ilanngaatingineqassapput ..... 6.080

Piffissamut 1/10 - 3/11 1993-imut ilanngaatingineqassapput:  $1.900/92 \times 34$  ..... 702

Ernianut aningaasartuutit 1993-imi ilanngaatisat ..... 6.782

### **III Ukioq ilaarsaarfiusoq 1992:**

§ 13, imm. 4 atuutilerpoq 14/10 1992 aallarnerfigalugu aammalu atuulluni inunnut aamma piginneqatigiiffinnut il.il. Akileraartussaataaneq 14. oktober 1992 sioqqullugu aallartissimappat aammalu 31/12 1992-imi atuutiinnarpat, kiisalu akileraartussaataaneq 14. oktober 1992 sioqqullugu kipisimappat allannguut ukiumut aningaasarsiorfiusumut 1992-imut akileraarusiinissamut sunniuteqassanngilaq, tassami taamaattoqarsimatillugu ernianik agguataari-soqassanngimmat. Akileraartussaataasut akileraartussaataanerat ullormi 14. oktober 1992-imi kingusinnerusukkulluunniit aallartittoq kipisorlu § 13-imi, imm. 4-mi nutaami ilaatinneqassapput.

#### **Assersuut 7.**

Akileraartussaataanerup aallartinnerani erniatigut isertitat naatsorsorneqarneri.

Akileraartussaataaneq aallartippoq **13/10 1992**. Ernialiunneqartut ukumut 18.000 koruuniupput. Ulloq ernialiiffiusoq tassaavoq 31/12. Kingumoortumik ernialiusaapput.

Piffissami akileraartussaataaffimmi ernialiunneqartut ..... 18.000

Erniatigut isertitat 1992-imi akileraarusigassat ..... 18.000

Assersuummi uani piffissanut attuumassuteqarfiinut aggataarisoqassanngilaq, tassami § 13, imm. 4-mi maleruagassat taamaallaat atorneqassammata 13. oktober 1992-ip kingornatigut akileraartussaataaneq aallartippat.

#### **Assersuut 8.**

Akileraartussaataanerup aallartinnerani erniatigut isertitat naatsorsorneqarneri.

Akileraartussaataaneq aallartippoq **15/10 1992** (ullut 78-it). Ernialiunneqartut ukiomoortut 18.000 koruuniupput. Ulloq ernialiiffiusoq tassaavoq 31/12. Kingumoortumik ernialiusaapput.

Erniat piffissami akileraartussaataaffiusumi ernialiunneqartut ..... 18.000

Taakkunanga 1/1 - 14/10 1992-imut attuumassuteqarput:  $18.000/366 \times 288$  ..... 14.164

Erniatigut isertitat 1992-imi akileraarusigassat ..... 3.836

#### **Assersuut 9.**

Akilerartussaataanerup aallartinnerani erniatigut isertitat naatsorsorneqarneri.

Akilerartussaataaneq aallartipooq **1/11 1992**. Erniatigut isertitat ukiup affakkaartut 6.000 koruuniupput. Ullut ernialiiffiusut tassaapput 31/5 aamma 31/11. Kingumoortumik ernialiussaapput.

Erniat piffissami akilerartussaataaffimmi ernialiunneqartut ..... 6.000  
Taakkunanga 1/6 - 31/10 1992-imut attuumassuteqarput:  $6.000/6 \times 5$  ..... 5.000  
Erniatigut isertitat 1992-imi akileraarusigassat ..... 1.000

#### **Assersuut 10.**

Akilerartussaataanerup aallartinnerani erniatigut isertitat naatsorsorneqarneri.

Akilerartussaataaneq aallartipooq **1/11 1992**. Erniatigut isertitat ukiup affakkaartut 12.000 koruuniupput. Ullut ernialiiffiusut tassaapput 1/4 aamma 1/10. Siumoortumik ernialiussaapput.

1992-imi ernialiunneqartut ..... 24.000  
Taakkunanga 1/4 - 31/10 1992-imut attuumassuteqarput:  $24.000/12 \times 7$  ..... 14.000  
Kiisalu ukiumut aningaasarsiofiusumut 1993-imut  
(1/1 - 31/3) attuumassuteqarput:  $24.000/12 \times 3$  ..... 6.000  
Erniatigut isertitat 1992-imi akileraarusigassat ..... 4.000

Inuup taassuma pineqartup akilerartussaataanera 15/9 1992-imi aallartissimasuugaluarpap piffissanut attuumassuteqarfiinut agguataarisooqassanngikkaluarpoq, tassami akilerartussaataaneq 14. oktober 1992 sioqqullugu aallartissimatillugu § 13, imm. 3-mi maleruagassat atuutiinnarmata. Taamaallit 12.000 koruunit ernialiunneqarfii naapertorlugit isertitatut nalunaarutigineqartussaassagaluarpap.

#### **Assersuut 11.**

Akilerartussaataanerup aallartinnerani ernianut aningaasartuutit naatsorneqarneri.

Akilerartussaataaneq aallartipooq **1/11 1992**. Ernianut aningaasartuutit qaammatit pingasukkaarput. Ullut ernialiiffiit tassaapput 28/2, 31/5, 31/8 aamma 30/11. Kingumoortumik ernialiussat qaammatinut pingasunut 3.000 koruuniupput.

1992-imi piffissami akilerartussaataaffimmi  
ernianut aningaasartuutit akiligassanngortut ..... 3.000  
Taakkunanga 1/9 - 30/10 1992-imut attuumassuteqarput:  $3.000/3 \times 2$  ..... 2.000  
Ernianut aningaasartuutit 1992-imi ilanngaatigineqartussat ..... 1.000